

三、源流考辨

(一) 基础记

吾家为宋桓公后，食采于向，遂以为氏，世为宋卿。自左师公戌、递传至常侍公秀，族著河南，散处开封、河内、朝歌、武陟间。其蔓延于天下者，不可数纪。顾自周、汉，以迄于今，绵绵翼翼。虽代有传人，而其间变迁不一，世系无传。生其后者，恒以不得溯厥源流为憾。如荣今日者，亦何忍溯哉。

荣先世居河南之开封，自太尉文简公以进士出身，崛起于淳化、咸平间，沉毅开济，朝野倚重，位晋台衡。越二世，象贤继武，定国留后公绩着忠勤，连姻椒室，世受国恩。亦云盛矣！至五世季曾祖忠毅公，由进士第特恩改承仕郎，授荆南节度使判官，迁京东转运制置副使，以父忧免。起，复知淮宁府事。建炎二年，金人陷淮宁，公以骂贼不屈，阖门遇害。是时，救援不至，遂使义士忠臣孤城待尽，良足悲矣！

理宗景定二年，荣宗伯安抚公兼知潭州事，以军功见嫉，安置漳州，寻，坐是死。时先王父为洪州守，闻之心栗，哀愤成疾，卒于官。宦囊萧然，未获扶柩归里。先王考率家属五十余口，留洪州之洗马市，一时虏寇方炽，蹂躏堪虞。不数年，复挈家就食于平江之梓江里，载先王父柩葬于邑西下东山之系龙洞，且便收宗伯安抚公柩葬于邑株山之滑石江。其余先人

邱墓，已隔云山，乃仍卜吉择地，自远祖燕王文祥公以下，如员外郎系鸾公、系凤公、系舟公，暨云岩道人宗麒公、宗善公、宗明公，子大公、子敬公，并诸祖妣夫人，俱以木主分葬各处。俾后嗣四时展祭如开封时，用志不忘先君子。伯伍郎衡昆仲四，因卜吉兹邑时，皆析居。伯伍郎分属长，偕荣宅黄金坪；诸父：承仕郎龙，宅本都之张古塘；白云真人公雄，宅湖源之西山；例授文林郎渊，则迁长属湘阴之南陂。其他系以官者，仍隶开封原籍。

嗟夫！士君子当扰攘之秋，固宜乃心王室，戮力驱除，委身报主。乃至入朝见嫉，徒死孤忠，无补于国，遂使流离播迁，靡有宁宇！于焉避乱图存，披发入山，各营首邱之地，以苟延旦夕。回首故园，满目有河山之感。时事至此，尚忍言哉！兹者，偶籍田庐、邱墓基础等项，各编一籍。因为叙先大夫之肇造于开封者，其流泽孔长；且以纪先君子之卜迁于兹邑者，其来有自。予以留示后人，使千载而下，知所自出，是则荣所斤斤厚望者也。后有知者，尚其念诸！

时

大宋咸淳二年岁次丙寅夏六月上浣之吉 公荣撰

(二) 历修家谱考略

1、士龙公房

明朝洪武四年（公元1371年），十世祖元福、元礼、元禄、元德昆仲首修谱谍，为手抄本，衡龙雄渊四大房各一本，共四帙。时平江知县刘顺颁给执照，印以铃记，并为之序。史称旧谱，现全书已佚，内容散见于初修谱中。

初修 始于清乾隆五十二年丁未（公元1787年），成于清乾隆五十四年己酉（公元1789年）。现存首尾卷各一本，衡公房之有载公房能文、能志公裔房谱一本，共三本。

二修 始于清道光五年乙酉（公元1825年），成于清道光七年丁亥（公元1827年）。

三修 始于清咸丰五年乙卯（公元1855年），成于清咸丰七年丁巳（公元1857年）。

四修 始于清光绪九年癸未（公元1883年），成于清光绪十年甲申（公元1884年）。

五修 民国三年甲寅（公元1914年）。

六修 始于民国三十三年甲申（公元1944年），成于民国三十六年丁亥（公元1947年）。

七修 始于公元1994年甲戌，成于公元1996年丙子。

2、士寿公房

初修 康熙二年癸卯（公元1663年）。

二修 乾隆二十八年癸未（公元1763年）。

三修 咸丰六年丙辰（公元1856年）。

四修 宣统元年己酉（公元1909年）。

七修 1995年乙亥，衡龙雄渊寿五大房合修族谱。